

تۆرك يوردى

ناشرى : تۆرك يوردى .

مديرى : محمد امين .

۲۷ ئاتون اول ۱۳۲۸

يىل ۲

صافي ۶

معمارلغلك دور تعالى زمانه تصادف ايتمكده اولديغندن طولاني فوق العاده مهمدر . دها ايلرى طوغرى ترامواى يولى تعقيب ايديليرسه هپ استانبوله زينت و قيمت و یرن آتار مهمه قديمه نك بو صورتله تخريب ايدلمش اولديغى كوريلير . اوزمان كوپريلي و عتيق على پاشا هيئت معماریه لرینك باشنه كلن بوكون ايشته ابولفضل محمود افندی مدرسه سنك باشنه كليور . يارين ينه فوق العاده بر قيمت و اهميتى حائز اولان فيضيه مدرسه سنك باشنه كله جك و بو صورتله استانبوله آبدات تاريخيه مزدن يك آزشى قالاچقدرد . ايشته بو شایان اسف تخريبات ترامواى مهندس لرینك يالكتر كندی استفاده لرینى و صنعت لرینك قورو احياجاتى دوشونمه لرندن و مملكتك آتار مهمه تاريخيه سنه اهميت عطف ايتمه ملرندن ايلرى كلكده در .

بن تأمین ایدرم که آثار عتیقه به برپارچه حس حرمت بسلیه رك استانبولك يوللری و خریطه سی برپارچه دقتله تنظیم ایدلسه بوبنالك هپسى اسكى شرف و مکملیتی محافظه ایدر . و هر جهته دخى ترامواى خطى ایصال ایديله بیلیر . و بو صورتله استانبول ، آثار عتیقه و تاریخیه نقطه نظرندن دنیسانك شهرلری آره سنده کی موقع یگانه سنی محافظه ایتمه كله برابر یكى برشهرك راحتقلرینى ده حائز اولمش اولور .

معمار کمال الدین

تورکلك شئرنی

تورک اوچاغنده ضیافت . — کانون اولک یکرمنجی پرشنه کونی « تورک اوچاغی » هیأتی طرفندن ، استانبوله مسافر تورک قارداشلرمنه برچای ضیافتی ویرلشدرد . بو قارداشلرمن ، بالقان حربنده یارالانانلره باقق و یا حربک صفحه لرینى تعقیب ایتک اوزره ایمراطورلق خارجندن بورالره قدر کلش تورکلردن مرکبدی . دین و عرق قارداشلنى مفکوره سنك تاپک اوزاقلردن بورالره قوشدیردینى بو آلتین یورکلی تورکلره ، بوتون عثمانلى تورکلکنك حس ایتدیكى قلبی شکرانلری ادا ایده بیلک امکان خارچنده ایدی . فقط « تورک اوچاغی » هر حالده تمیز و نجیب دویغولرینى محترم مسافرلرمنه بیلدیرمک ایتیبوردی ، ايشته بوامل ، کچن پرشنه کونکی چای ضیافتی وجوده کتیردی .

اوجاغك ، دیوان یولنده کی یوردینه دعوت ایدیلن ذاتلر ، خواجه عبد الرشید ابراهیم افندی ، دارالفنون مدیر عمومیی سلیمان پاشا زاده سامی بك افندی ، دارالفنون معلملرندن احمد آغایف ، طبیب علی حسین زاده ، طبیب عاقل مختار ، روسیه نك اورنبورخ شهرنده چیقان « وقت » غزنه سی باش یازیچیسی فاتح کریمی ، قازانده منتشر « ییلدیز » غزنه سنك محری علی اصغر کمال . تربیه مجموعه سی صاحبی سلیم سری بکفر و قزانی ، قریمی ، کاشغرلی بعضی تبحار افندیلردن وازمیر ، لوزان ، جنوره تورک یورد اوجاقلری مرخصلری ایله دارالفنون طلبه سندن برقاچ افندی دن عبارتدی .

تورک اوجاغنك اداره هیأتی رئیس ، اسبق کوناهیه مبعوف فرید بك بدایتده بولونمش ایسده پك عجله ایسی اولدینی ایچون اجناعه ریاست ایدمه معمش ، علو ایسته بورك آریشلیرینه ایکنجی رئیس آق چوره اوغلی یوسف بك قائم اولمشدر . اداره هیأتی ، اوجاغك بو یوک سالوننده اوتوز ایکی کیشیلک مزین برسفره ترتیب ایتدیرمش ایدی . زوالی ساعت دوت بوجوقده هرکس یرلرینه اوطوردی ، ساکن ساکن قونوشه رق جای ایچمکه باشلانیدی . برآز صوکره یوسف بك عثمانلی تورکلیکی و اوجاق نامنه مسافرلرک ایفا ایتدکلری خدمتلره صمیمی تشکرلری بیلدیردی . بویله جهانك دوت طرفدن کلش تورکلردن منشکل بره یأت ، کرچکدن علوی روحانی بر هیأتدی . بوتون بوقلبلری برلشدیرن بش بیک ییللیق فخرله دولور بر تاریخك معنوی ، سفره نك اوزرنده اوجیوردی . « وقت » باش محری فاتح کریمی بك ، آجیق وساده بر تورکجه ایله ، مقابله ده بولونیدی . شمالی قارداشیمز اوقدر طاطلی و دوغرو سویلیوردی که هیمز روحانی بر استغراق ایله دیکلیوردق . اوندن صوکره برقاچ ذات ده ها سوز سویله دیلر . بونلر ایچنده ، احمد آغایف بکک اجتماعی و تاریخی ، کرچکدن استاد لره یاقیشیر بر لسانله سویله دیکی سوزلر اوزرمنده لطیف بر تأثیر حاصل ایتدی .

آق چوره اوغلی یوسف بکک روسیه نك پترسبورخ دارالفنونلرنده اوقورکن بالغان حربنده یارالانان تورک قارداشلرینک یارده لرینی کندی الایله صارمق ایچون بوارلرکلن همشیره لرمندن کلشوم ، رفیه وایکی صرم خانلره اوجاق نامنه بر تشکر مکتوبی یازطاسی حفته کی تکلیفی آلفیشلرله قبول اولندی .

فاتح افندی نك تکلیفی اوزرینه ده ریاست مقامندن بویله تورکلرک مجتمع بولوندینی بر زمانده ، تورکاکه بو یوک خدمتلر ایدن احمد مدحت افندی مرحومک خاطره سی تجیل ایتمک بروطفیه اولدینی سویله معمش ، ضیافته حاضر بولونان عبدالرشید ابراهیم افندی طرفندن بر عشر شریف ترتیل و بر دعا قرائت اولوناراق مرحومک روحنه اتخاف ایدلشددر و بونکله خاطره اوقشایان تاریخی ضیافته کوزل بر خاتمه ویرلشددر . « تورک یوردی » اوجاق قارداشنه ، بویله بر ضیافت ترتیب و اوزاق یقین تورک قارداشلرک بربرلریله برقاچ ساعت برابر بولونمالرینه دلالت ایتدیکندن دولای تشکر ایتمکی ده وجدانی بروجیه بیایر .